

氣比宮社記 卷一 宮社神傳部上

北陸道大社正二位勳一等越州一宮

賀郡坐教氣比太神宮七座中古加惣社相殿神而謂八座一

本宮祭神三座南面坐子瑞籬中央一

足仲彥天皇鎮座中央禊人皇十四代仲哀天皇

氣長足姬尊鎮座右禊十五代神功皇后

保食太神鎮座左寅卯方禊五穀大祖

日本書記曰足仲彥天皇日本武尊第二子也母皇后曰兩道入姬命活目入彥五十狹茅天皇之女也天皇容姿端正身長十尺稚足彥天皇四十八年立爲太子時年三十一元年春正月庚寅朔庚子太子卽天皇位秋九月

丙戌朔尊母皇后曰皇太后冬十一月乙酉朔詔群臣曰朕未逮弱冠而父王旣崩之乃神靈化白鳥上天仰望之情一日勿息是以異獲白鳥養之於陵域之池因以觀其鳥欲慰領情則令諸國傳貢白鳥閏十一月乙卯朔戊午越國貢白鳥四隻於是送鳥使人宿菟道河邊時蘆髮蒲見別王視其鳥而問之曰何處將去白鳥也越人答曰天皇戀父王而將養狎故貢之則蒲見別王謂越人曰雖白鳥而燒之則爲黑鳥仍強之奪白鳥而將去爰越人參赴之請焉天皇於是惡蒲見別王無禮於先王乃遣兵卒而誅矣蒲見別王則天皇之異母弟也時人曰父是天也兄亦君也其慢天違君何得免誅耶是年也大歲壬申

二年春正月甲寅朔甲子立氣長足姬尊爲皇后
 先是娶叔父彥人大兄之女大中姬爲妃生廢坂
 皇子忍熊，皇子女娶來熊田，造祖大酒主之女弟
 媛生子譽屋別皇子

二月癸未朔戊子幸角鹿即興行宮而居之是謂
 筭飯宮三月癸丑朔丁卯天皇巡狩南國於是留
 皇后及百寮而從駕二三卿大夫及官人數百而
 輕行之至紀伊國而居于德勒津宮是時熊襲叛
 之不朝貢天皇於是將討熊襲國則自德勒津宮
 發之浮海而幸穴門即日使遣角鹿勅皇后曰便
 從其津發之逢於穴門夏六月巳朔庚寅天皇泊
 于豐浦津且皇后從角鹿發而行之到停田門食
 於船上時海鱒魚多聚船傍皇后以酒灑鱒魚々々
 卽醉而浮之時海人多獲其魚而歡曰聖王所
 賞之魚焉故其處之魚至于六月常傾浮如醉其
 是緣也秋七月辛亥朔乙卯皇后泊豐浦津是日
 皇后得如意珠於海中九月興宮室于穴門而居

之是謂穴門豐浦宮

八年春正月己卯朔壬午幸筑紫時岡縣主祖熊
 罌聞天皇車駕預拔取百枝賢木以立九尋船之
 舳而上枝掛白銅鏡中枝掛十握劍下枝掛八尺
 瓊參迎于周芳沙歷之濱而獻魚鹽地因以奏言
 自穴門至向津野大濟爲東門以名籠屋大濟爲
 西門限沒利嶋阿閉嶋爲御宮割柴嶋爲御廩御
 那陪以逆見海爲鹽地既而導海路自山鹿岬
 廻之入岡浦到水門御船不得進則問熊罌曰朕
 聞汝熊罌者有朋心以參來何船不進熊罌奏之
 曰御船所以不進者非臣罪是浦口有男女二神
 男神曰大倉主女神曰菟夫羅媛必是神之心欺
 天皇則祈禱之以挾抄者倭國菟田人伊賀彥爲
 祝令祭則船得進皇后別船自洞海久岐入之
 潮澗不得進時熊罌更還之自洞奉迎皇后則見
 御船不進惶懼之忽作魚沼鳥池悉聚魚鳥皇后
 看是魚鳥之遊而忿心稍解及潮滿卽泊于岡津

又筑紫伊覩縣主祖五十迹手聞天皇之行拔取
五百枝賢木立于船之舳艫上枝掛八尺瓊中枝
掛白銅鏡下枝掛十握劍參迎于穴門引嶋而獻
之因以奏言臣敢所以獻是物者天皇如八尺瓊
之勾以曲妙御宇且如白銅鏡以分明看行山川
海原乃提是十握劍平天下矣天皇即美五十迹
手曰伊蘇志故時人號五十迹手之本土曰伊蘇
國今謂伊覩者訛也已亥到儼縣因以居樞日宮
秋九月乙亥朔己卯詔群臣以議討熊襲時有神
託皇后而誨曰天皇何憂熊襲之不服是驚之空
國也豈足舉兵伐乎愈茲國而有寶國譬如美女
之賸有向津國際此麻用弭枳眼炎之金銀彩色多在
其國是謂栲衾新羅國焉若能祭吾者則曾不血刃
其國必自服矣復熊襲爲服其祭之以天皇之御
船及穴門直踐立所獻之水田名大田是等物爲
幣也天皇聞神言有疑之情便登高岳遙望之大
海曠遠而不見國於是天皇對神曰朕周望之有

海無國豈於大虛有國乎誰神徒誘朕復我皇祖

諸天皇等盡祭神祇豈有遺神耶時神亦託皇后
曰如天津水影押伏而我所見國何謂無國以訛
誘吾言其汝王之如此言遂不信者汝不得其國
唯今皇后始之有胎其子有獲焉然天皇猶不信
以強擊熊襲不能勝而還之

九年春二月癸卯朔丁未天皇忽有痛身而明日

崩時年五十二云云一日天皇
親伐熊襲中賊矢而崩也 於是皇后及大

臣武內宿禰匿天皇之喪不令知天下則皇后詔
大臣及中臣烏賊連大三輪大友主君物部膽昨
連大伴武以連曰今天下未知天皇之崩若百姓
知之有懈怠乎則命四大夫領百寮令守宮中竊
收天皇之屍付武內宿禰以從海路遷穴門而殯
于豐浦宮爲无火殯先火殯殯之阿俄利謂甲子大臣
武內自穴門還之復奏於皇后是年由新羅役以
不得葬天皇也

氣長足媛尊稚日本根子彥大日日天皇之曾孫

氣長宿禰王之女也母葛城高額媛曰皇后幼而聰明叡智貌容壯麗父王異焉皇后傷天皇不從神教而早崩以為知所崇之神欲求財寶國是以命群臣及百寮以解罪改過更造齋宮於小山田邑三月壬申朔皇后選吉日入齋宮親為神主則命武內宿禰令撫琴喚中臣鳥賊津使主為審神者因以千繪高繪置琴頭尾而請曰先日教天皇者誰神也願欲知其名逮于七日七夜乃答曰神風伊勢國之百傳度逢縣之拆鈴五十鈴宮所居神名檀賢木嚴之御魂天疎向津媛命焉亦問之除是神有神乎答曰幡荻穗出吾也於尾田吾田節之淡郡所居之有也問亦答曰於天事代於虛事代玉籤入彥嚴之事代神有之也問亦有耶答曰有無之不知焉於是審神者曰今不答而更後有言乎則對曰於日向國橘小門之水底所底而水葉雅之出居神名表筒男中筒男底筒男神之有也問示有耶答曰有無之不知焉遂不言且有

神矣時得神語隨教而祭然後遣吉備臣祖鴨別令擊熊襲國未經決辰而自服焉且荷持田村荷此云能有羽自熊鷲者其為人強健亦身有翼能飛以高翔是以不從皇命每略盜人民戊子皇后欲擊熊鷲而自檀日宮遷于松峽宮時飄風忽起御笠墮風故時人號其處曰御笠也辛卯至層增岐野即舉兵擊羽白熊鷲而滅之謂左右曰取得熊鷲我心則安故號其處曰安也丙申轉至小門縣則誅土蜘蛛田油津媛時田油津媛兄夏羽興軍而迎來然聞其妹被誅而逃之夏四月壬寅朔甲辰北方到火前國松浦縣而進食於玉嶋里小河之側於是皇后勾針為釣取粒為餌抽取裳糸為緝登河中石上而投釣祈之曰朕西欲求財國若有成事者河魚飲鈎因以舉竿乃獲細鱗魚時皇后曰希見物也梅豆遷志云故時人號其處曰梅豆遷國今謂松浦訛焉云既而皇后則識神教有驗更祭祝神祇躬欲西征爰定神田而佃之時

引儼河水欲潤神田堀溝及于迹驚岡大磬塞之
不得穿溝皇后召武內宿禰捧劔鏡令祈禱神祇
而求通溝則當時雷電霹靂裂其磬令通水故
時人號其溝曰裂田溝也皇后還詣樞日浦解髮
臨海曰吾被神祇之教賴皇祖之靈浮涉滄海躬
欲西征是以今頭漢海水若有驗者髮自分爲兩
卽入海洗之髮自分也皇后便結分髮而爲髻因
以謂群臣曰夫興師動衆國之大事安危成敗必
在於斯今有所征伐以事付群臣若事不成者罪
有於群臣是甚傷焉吾婦女之加以不肖然慙假
男貌強起雄略上蒙神祇之靈下籍群臣之助振
兵甲而度嶮浪整艦船以求財土若事就者群臣
共有功事不就者獨有罪既有此意共共議之群
臣皆曰皇后爲天下計所以安宗廟社稷且罪不
及于臣下頓首奉詔秋九月庚午朔己卯令諸國
集船舶練兵甲云云爰卜吉日而臨發有日時皇后
親執斧鉞令三軍曰金鼓無節旌旗錯亂則士卒

不整貪財多欲懷私內顧必爲敵所虜其敵少而
勿輕敵強無屈則奸暴勿聽自服勿殺遂戰勝者
必有賞背走者自有罪既而神有誨曰和魂服玉
身而守壽命荒魂爲先鋒而導師船和魂此云珥
魂此云阿卽得神教而拜禮之因以依網吾彥男
遲瀟多摩卽得神教而拜禮之因以依網吾彥男
垂見爲祭神主于時也適當皇后之開胎皇后則
取石挿腰而祈之曰事竟還日產於茲土其石今
在于伊都縣道邊既而則搗荒魂爲軍先鋒請和
魂爲王船鎮冬十月己亥朔辛丑從和珥津發之
時飛廉起風陽候舉浪海中大魚悉浮挾船則大
風順吹帆船隨波不勞櫓楫便到新羅時隨船潮
浪遠逮國中卽知天神地祇悉助敷新羅王於是
戰々栗々胥身無所則集諸人曰新羅之建國以
來未嘗開海水凌國若天運盡國爲海乎是言未
訖之間船師滿海旌旗耀日鼓吹起聲山川悉振
新羅王遙望以爲非常之兵將滅己國豐焉失志
乃今醒之曰吾聞東有神國謂日本亦有聖王謂

天皇必其國之神兵也豈可舉兵以距乎即素

旆而自服素組以面縛封圖籍降於

王船之前因以叩頭之曰從今以後長與乾坤伏

爲飼部其不乾船艙而春秋獻馬梳及馬鞭復不

煩海遠以每年貢男女之調則重誓之曰非東日

更出西且除阿利那禮河返以之逆流及河石昇

爲星辰而殊闕春秋之朝忍廢梳鞭之貢天神地

祇共討焉時或曰欲誅新羅王於是皇后曰初

承神教將授金銀之國又號令三軍曰勿殺自服

今獲財國亦人自降服殺之不祥乃解其縛爲飼

部遂入其國中封重寶府庫收圖籍文書即以皇

后所杖矛樹於新羅王門爲後葉之卯故其矛今

猶樹于新羅王之門也爰新羅王波沙窳錦即以

徵叱已知波珍于岐爲質仍資金銀彩色及綾羅

縑緞載于八十艘船令從官軍是以新羅王常以

八十船之調貢于日本國其是之緣也於是高麗

百濟二國王聞新羅收圖籍降於日本國密令伺

其軍勢則知不可勝自來于營外叩頭而歎曰從

今以後永稱西蕃不絕朝貢故因以定內宮家是

所謂之三韓也皇后從新羅還之十二月戊戌朔

辛亥生磐田天皇於筑紫故時人号其產處曰宇

瀨也

一云足仲彥天皇居筑紫極日宮是有神託沙塵

縣主祖內避高國避高松屋種以誨天皇曰御孫

尊也若欲得寶國耶將現授之便復曰琴將來以

進于皇后則隨神言而皇后撫琴於是神託皇后

以誨之曰今御孫尊所望之國譬如鹿角以無寶

國也其今御孫尊所御之船及穴戶直踐立所貢

之水田名太田爲幣能祭我者則如美女隊而金

銀多之眼炎國以授御孫尊時天皇對神曰其

雖神何謬語耶何處將有國且朕所乘船既奉

于神朕乘葛船然未知誰神願欲知其名時神稱

其名曰表筒雄中筒雄底筒雄如是稱三神名且

重曰吾名向眞男聞襲大歷五御魂速狹騰尊也

時天皇謂皇后曰聞惡事之言坐婦人乎何言速狹騰也於是神謂天皇曰汝王如是不信必不得其國唯今皇后懷妊之子益有獲歟是夜天皇忽病發以崩之然後皇后隨神教而祭則皇后爲男束髮征新羅時神導之由是隨船浪之遠及于新羅國中於是新羅王宇流助富利智于參迎跪之取王船即叩頭曰臣自今以後於日本國所居神御子爲內宮家無絕朝貢一云禽獲新羅王詣于海邊拔王臙勸令匍匐石上俄而斬之埋沙中則留一人爲新羅宰而還之然後新羅王妻不知埋夫屍之地獨有誘宰之情乃誅宰曰汝當令讖埋王屍之處必篤報之且吾爲汝妻於是宰信誘言密告埋屍之處則王妻與國人共議之殺宰更出正屍葬於他處時取宰屍埋于王墓土底以舉王襯窆其上曰尊卑次第固當如是於是天皇聞之重發震怒大起軍衆欲頓滅新羅是以軍船滿海而詣之是時新羅國人悉懼不知所如則相集

共議之殺王妻以謝罪

於是從軍神表筒男中筒男底筒男三神誨皇后曰我荒魂令祭於穴門山田邑也時穴門直之祖踐立津守連之祖田袋見宿禰啓于皇后曰神欲居之地必宜奉定則以踐立爲祭荒魂之主仍祠立於穴門山田邑爰伐新羅之明年春二月皇后領群卿及百寮移于穴門豐浦宮即收天皇之喪從海路以向京時麿坂王忍熊王聞天皇崩亦皇后西征并皇子新生而密謀之曰今皇后有子羣臣皆從焉必共議之立幼主吾等何以兄從弟乎乃詳爲天皇作陵詣播磨興山陵於赤石仍編船緇于淡路嶋運其嶋石而造之則每人令取兵而待皇后麿坂王忍熊王共出蒐餓野而祈禱之曰祈禱此云于若有成事必獲良獸也二王各居假殿赤猪忽出之登假殿昨麿坂王而殺焉皇后聞忍熊王起師以待之命武內宿禰懷皇子橫出南海泊紀伊水門皇后之船直指難波于時皇

后之船廻於海中以不能進更還務古水門而卜之於是天照大神誨之曰我之荒魂不可近皇后當居御心廣田國即以山背根子之女葉山媛令祭亦稚日女尊誨之曰吾欲居活田長峽國因以

海上五十狹第令祭亦事代主尊誨之曰祠吾于御心長田國則以葉山媛之弟長媛令祭亦表筒男中筒男底筒男三神誨之曰吾和魂宜居大津渟中倉之長峽便因看往來船於是隨神教以鎮坐焉則平得度海皇后南詣紀伊國會太子於日高武內宿禰和珥臣祖武振熊卒數萬衆令擊忍熊王王逃吉師之祖五十狹第宿禰共沈瀨田濟而死之冬十月癸亥朔甲子群臣尊皇后曰皇太

后是年也大歲辛己爲攝政元年二年冬十二月丁亥朔甲午葬天皇於河內國長野陵一說此舊志紀郡道明寺邊西北地在謂澤田之處是也云云三年春正月丙戌朔戊子立譽田別皇子爲皇太子因以都於磐余是謂櫻

宮一

四十七年夏四月百濟王使久氏彌州流莫古令朝貢時新羅國調使與久氏共詣於是皇太后太子譽田別尊大歡喜之曰先王所望國人今來朝之痛哉不逮于天皇矣群臣皆莫不流涕云

諸書共天皇對神曰朕周望之有海無國豈於大虛有國乎誰神徒誘朕之勅命令載記也舍人親王亦存古文而所書寫之歟然舉錄此四十七年之一句者實親王之旨深哉於當社傳來記文亦天皇曰新羅國失禮於吾國也當征之矣故便行幸于此州而令祈於三韓征討於箭飯神矣令國人使聞海路消息焉則巡狩南國云云且先代既任那國都奴賀新羅國天日矛來朝之年月亦未遠是時當無不知有三韓也況於天皇之聖明賢智乎且於異邦之書籍見上古爲通日本之文段上可勸識之者也猶俟後人之精考

六十九年夏四月辛酉朔丁丑皇太后崩於稚櫻宮時年一百歲冬十月戊午朔壬申葬狹城盾列陵是日追尊皇太后曰氣長足姬尊

舊事本紀曰仲哀天皇九年粗同日本紀略之二二年二月幸角鹿即興行宮而居是謂奇飯宮三月

巡狩南國將討熊襲、叛七月皇后泊坐豐浦津皇
后得如意珠於海中

八年天皇幸筑紫討熊襲之議矣、時有神託

皇后誨曰天皇何憂熊襲之不服此國脊穴之空

國也西有審國謂新羅國也若能祭我者必令自

服云云而天皇西稱無國不信神、教誨猶親擊熊

襲中賊矢

九年春二月癸卯朔丁未武內大臣勸進天皇

親后自彈琴託問皇后不肯託誨于時託云皇后

妊胎皇子可得審國云云武內大臣慇懃進天皇

祇令彈琴祈請神名于時日暮將燈琴音絕

聲乃舉火見之天皇忽有痛身而明日崩于時

五十二即知不信神教而中賊矢早崩之云云氣

長足姬尊以爲知其神名則令群臣百寮以解罪

改過更造齋殿乃託皇后祈請先託神名等事具

在別記云云十月己亥朔神祇荒魂奉齋別船亦

以和魂齋皇后船領船軍從和珥津解纜進發幸

新羅國狀具在征服三韓紀十二月戊戌朔辛亥

皇后歸自新羅則誕生譽田天皇於筑紫故時人

號其產處曰宇彌也云云皇后開化天皇、兒彥坐

皇子命兒山代大筒城眞若王兒迦爾米雷王兒

息長宿禰王女是也前後略文古事記書常宮下

延喜式第一曰仲哀天皇始置大連年詔大連

古語拾遺高田未白翁註解或書曰神功皇后年

三十六歲猶二八雅容氣勢勇猛性德仁恕機根

聰明容貌嫵媚目有双瞳乳有九穴力動殿柱息

堪半日云云

神皇正統紀曰皇后息長足姬是越前の國笥飯

の神にまふでてそれより北海をめぐりて行

あひ給ひぬと云云

新撰姓氏錄曰山城國皇別布勢公仲哀天皇皇

子忍稚命之後也日本記不見

又曰河內國皇別蘇宜詔首仲哀天皇々子譽屋

別命之後也

仲彥天皇四年歸化入朝奉獻珍密蠶種等云

又曰太秦公宿禰秦始皇帝三世孝武王之後也

男功滿王仲哀天皇八年來朝

又曰新良貴彥波瀲武鸕鷀草葺不合尊男稻飯

命之後也是出於新良國主

又曰昔磯城瑞離宮御宇御間城入彥天皇御

代任那國奏曰臣國東北有三巴汶地上巴汶中

巴汶下巴汶地方三百里土地民亦豐饒與新羅

國相爭彼此不能攝治兵戈相尋民不聊生臣請

將軍令治此國即為貴國之部也天皇大悅勅群

卿令奏應遣之人卿等奏曰彥國菁命孫鹽乘津

彥命頭上有贅三岐如松樹國號松其長五寸力

過衆人性亦勇悍也天皇令鹽乘津彥命遣奉勅

而鎮守彼俗稱宰為吉故謂其苗裔之姓為吉氏

云

三代實錄曰元慶八年秋七月十七日子左京人

從五位下行采女正時原宿禰春風賜朝臣姓春

風自言先祖出自秦始皇十一世孫功德王也帶

三韓者辰韓馬韓辨韓也三國共同氏馬韓

五十四國有西方北接樂浪南接倭國辰韓

十二國有東方辨韓十二國有辰韓南方南

接倭國云云後漢書曰樂浪郡故朝鮮國也

在遼東云云戰國策云朝鮮屬樂浪補云朝

鮮箕子所對今高麗國也索隱云潮仙又云

斯盧或雞林唐書曰龍朔二年詔改朝鮮曰

雞林云云至高武年中李氏請大明乞改國

號曰朝鮮龍朔二年當天智天皇之元年矣

周武王封箕子而號朝鮮國也後世國諱亂

而分七十二國是謂三韓也

天皇九年皇后征服新羅高麗百濟年則後

漢獻帝建安六年也

崇神天皇御宇所獻調貢之任那國者至欽

明天皇御宇為新羅所滅也其後新羅令百

濟國破滅而後新羅王亦降于高麗國也高

麗亦國動亂後移于渤海國而代々獻朝貢

於日本之事見國史

眞野縫殿助時經曰東國通鑑卷之一新羅

高勾麗百濟三國記曰新羅始祖八年漢并露四年倭來寇邊聞王在神德乃遷云異稱傳今按云漢并露四年當我崇神天皇四十八年崇神天皇無征新羅事雖然日本紀曰崇神天皇六十五年秋七月任那國遣蘇那曷叱知令朝貢也任那者去筑紫國二千餘里北阻海以在雞林之西南垂仁天皇二年任那人蘇那曷叱知請之欲歸子國蓋先皇之世來朝未還歟故教賞蘇那曷叱知仍賚赤絹一百疋賜任那王然新羅人遮之於道而奪焉其二國之怨始起於是也觀此則崇神天皇雖不征新羅新羅得罪于我朝起於此際矣終至神功皇后得征之蓋爲在那征之也又曰三韓沿革昔上世我素盞鳴尊與其子五十猛神入於新羅國而不欲居之堯之時檀君周武王之時箕子主之國號朝鮮久之大亂分崩至七十八所謂三韓者其强者也並列疆界弱吐強吞戰爭不息當斯時任那來貢我厚賜邊之新羅遮道奪之自招仇餽之禍我數代先王不征之神功皇后靈

聖聰明周行天下勗勞群庶愛育萬民奉天
神地祇命一戎衣問新羅罪已而亦哀新羅
所窮全將戮之首授要害之地高麗百濟觀
感叩頭永稱西藩不絕朝貢諸韓恐後之
無不臣服於是韓地置日本府任宰以治之
新羅當親戴我與天地不也變而逆天背盟違
我恩義數侵任那至欽明天皇二十三年新
羅遂滅任那自神功皇后以來五百九十三
年任那之存如此永久也此非神功皇后之
大神勳餘烈乎宜仰崇云云馬韓百濟辰韓
新羅弁韓高麗也

日本紀曰神功皇后三十九年是年也大歲已未
魏志云明帝景初三年六月倭女王遣大夫難
斗米等詣群求詣天子朝獻大守鄧夏遣吏將
送詣京 四十年 同正始元年遣建忠校尉梯
都也 携等奉詔印授詣倭國也 四
十三年 同四年倭王復遣使大夫伊 六十六年
是年晉武帝泰初二年晉起居注云武
帝泰初二年十月倭女王遣重譯貢獻
万葉集第五曰筑前守山上臣憶良詠鎮懷石歌
一首并短歌

筑前國怡土郡深江村子原臨海丘上有二石

大者長一尺二寸六分圍一尺八寸六分重十八

斤五兩小者長一尺一寸圍一尺八寸重十六斤

十兩並皆隨圓狀如雞子其美好者不可勝論所

謂徑尺壁是郡平敷之石當古而取之去深江

驛家二十許里近在路頭公私往來莫不下馬跪

拜古老相傳曰往者息長足日女命征討新羅國

之時用茲兩石挿著御袖之中以為鎮懷愛實中矣

所以行人敬拜此石乃作歌曰

可既麻久波阿夜爾可斯故斯多良志比咩可尾

能彌許等可良久爾遠武氣多比良宜豆彌許々

呂遠斯豆迷多麻布等伊刀良斯豆伊波比多麻

比斯麻多麻奈須布多都能伊斯乎世爾斯咩

斯多麻比豆余呂豆余爾伊比都具可禰止和多

能會許意枳都布可延乃宇奈可美乃故布乃波

良爾美豆豆可良意可志多麻比豆可武奈何良

可武佐備伊麻須久志美多麻伊麻能遠都豆爾

多布刀伎呂可儻

阿米都知能等母爾比佐斯久伊比都夏等許能

久斯美多麻志可志家良斯母

新撰姓氏錄曰間人宿禰仲哀天皇皇子譽屋別

命之後也

社傳記曰越前州一宮北陸道大社正一位勳一

等氣比太神宮者人王十四代足仲彥天皇十五

代氣長足媛尊地神保食太神之鎮座也原夫

豐葦原中州大地主保食神一名倉稻魂命奉稱

之而自神代靈社也此神始播殖五穀及百穀又

開養蠶之道於是國土豐饒而公民無飢寒之憂

焉此時天照皇太神在于天上而聞召此神之行

狀便勅月讀尊曰汝降葦原中州察保食神之作

業且彼神之所有物品種盡奉吾高天原矣故月

讀尊到于保食太神之許因保食太神拜迎欣悅

乃嚮國則出稻黍粟稗及大豆小豆嚮山則出

毛柔毛麋嚮海則出鱈廣鱈狹其品物悉自口

出即備貯モ、トリノツクエ百案奉饗之是時月讀尊見之曰穢
哉鄙哉何可以口吐之物敢養我乎イカリマシトクマメスコト忿激咎崇
甚而直昇天上奏其狀因天照皇太神復使天熊
人神往祭之于時保食太神已神退矣故天熊人
神望看此神之事業則以稻爲田種以麥粟黍稗
豆爲畠種教牛馬使助農業植桑始養蠶而置舍
口裏採絲爲紘織矣因天熊人神直取持其品種
去登天奉進之天照皇太神見行之太喜曰是顯
見蒼生得當食則活久道乃擴シヒロメタフ充耕織之術也
於是天下公民永蒙保食太神之恩澤矣故立宮
社於此州而令崇筭飯太神由是敷地號筭飯浦
者也

足仲彥天皇御宇二年癸酉春二月六日ユメカ戊子行
幸于此州建行宮坐之謂筭飯宮也古老相傳今之神社
地是天皇親奉幣帛於筭飯太神拜祭乃勅皇后
氣長足姬尊一口大多曰朕望見此國海陸相通
當防異賊之地也朕巡見八洲後欲作宮室于此

地永居也且新羅久不歸化往昔御間城入彥五
十瓊殖天皇御宇意富加羅國之王ツツノガシフヒト子都奴我者
今之坐ニ政所一來着此處獻朝貢而奉仕矣至活
角鹿神是也イ目入彥五十狹茅天皇御代深垂怒而都奴我令
送歸彼本土任那國之時新羅人遮之於道寇之
豈非失禮於我國乎恒欲征之也朕先可巡將南
國汝皇后留此地祀筭飯神祈退治三韓而宜聞
北國海路之消息矣三月十五日ヤヨヒモチノヒ卯發此津到紀
伊國居德勒津宮夏四月行幸穴門國而遠勅皇
后曰從筭飯浦發宜到穴門依皇后躬奉幣筭飯
太神于時太神告夢曰泛蒼海則往々祭海神矣
皇后命群臣令ミフネツカヒ艦六月卯日發此湊舊跡謂正
幸濱乃隨神教取垂五百枝榊木綿樹船艫爲
是也是也和幣祭海神皇后親彈琴以御妹玉媛命爲神主
奏神樂若狹國海岸有此時皇后得ミミヒ酒滿珠於
海中大歡秋七月五日到穴門豐浦而奉千滿二
珠於天皇矣八年三月朔日天皇坐筑紫樞日宮

詔皇后及武內宿禰安曇連曰往越州角鹿宜祭

筭飯太神焉乃皇后從玉媛命及大臣連等自畿

內歷淡海若狹到此地而躬齋戒拜祀筭飯神時

太神託玉妃命曰天皇莫患寇賊叛必不血刃而

自然歸須矣六月卯日皇后發此津還筑紫樞日

宮而奏神教天皇云先是有入奏皇后有磯良

翁能得海潮盈涸之術故下令尋求之則於東國

得彼潮翁仍以從行幸云略文委社傳又曰推

古天皇吉貴二年乙卯八月四日瑞雲襲都奴賀

地加比留山嶺光彩耀々乎浦人仰瞻怪之其夕

託角鹿小海直之小兒宣朕是坐于穴門豐浦宮

御天下足仲彥天皇也恒護皇基衛國家垂跡於

筭飯浦宜以祭朕於筭飯神宮焉重日奇雲襲于

幸臨山今謂二天筒一光輝耀々焉因茲奏達天應猶其

後奇瑞數也至文武天皇御宇勅令造營筭飯神

宮任神託足仲彥天皇氣長足媛尊於筭飯宮爲

相殿大寶二年壬寅一曰八月奉勸請于同殿也

中央仲哀天皇西方神功皇后東隅保食太神也

是謂本宮三座矣日本武尊於東殿宮譽田天皇

於總社宮武內宿禰於西殿宮玉妃命於平殿宮

奉崇祀而奉稱氣比太神宮者也蓋延喜式所謂

氣比神社大七座是也自吉貴二年至大寶二年經百八年也

延喜式所謂尾張國愛智郡火上姉子神社是天

皇之母后兩道入姬命鎮座也

先代舊事本紀卷第二十二大成經曰仲哀天皇

二年二月癸未朔戊子幸角鹿即興行宮而居之

矣是謂筭飯宮定淡路屯倉

三月癸丑朔丁卯天皇慮巡將南國而留皇后及

百寮等從駕ヒトリフクリ一卿並官人量輕行云

秋七月辛亥朔乙卯皇后御船泊豐浦津是日皇

后得如意珠於海路程白蛇魚吞

八年秋九月乙亥朔巳卯謂群臣以及議討熊襲

時有神託皇后曰云天皇不信而強擊熊襲爰

有兩熊襲片熊襲ヒトフカミ首ヒトフカミ呂針土蜘蛛勇以吞國力

又拔樹左構三寸楠大楯右振二丈檣大銚進軍
先破官軍三軍怖不云何天皇忍至先陣懸割兩
兵甚前引大弓放大矢卽射透楠楯射倒邑針熊
襲大怖退此陣武內宿禰從容奏曰王親爲將
帥三軍法以貫山勇跋置德下分威施氣以士擊
敵自血刃行諸非王武天皇咲曰夫以德伏軍在
親成功後若父尊今在駕後陣以德朕未成武奚
施不得若任汝言使天皇無武當奪政於夷云云
九年冬十月己亥朔辛丑皇后從鮫鱈津發三軍
西征而飛廉起風陽侯學浪海中大魚悉浮挾船
大風順吹帆船隨波不勞楫棹便到新羅隨船潮
浪遠逮國中卽知天神地祇悉助時新羅王戰々
慄々厝身無所則集諸人曰新羅之建國以來未
嘗聞海水凌國中若天運盡國爲海乎是言未訖
船師滿海旌旗耀日鼓吹動山川悉振新羅王遙
望以爲非常之兵將滅己國襲焉失志乃今良醒
心曰吾聞東有神國謂日本國亦有聖王謂天皇

也是必其國厥神兵也豈可舉兵以拒之乎時於
新羅有一賢臣其名復以之乃謂於王曰假使爲
神兵安不屯伏之卽發甲船向以拒之建稻種命
於船乘移蹈割其船殺數百衆新羅人見之謂焉
神人業爰有神名新羅雄怒吾國爲他被伏而
乍化八尺大虫威走波割諸軍直懸欲啖皇后
于時皇后大瞋躬所持大弓番大矢曳滿而有之
以的虎心發尋引二箭待之箭透大虫魂中而拔
於尾根一矢乃射殺又有大韓國神忿卽令他國
來奪我屬國化數百軍立于浪上戰與上軍新羅
卒等得便大屯爰小門三神大威進神軍動天地
擊之神兵人卒交戰日沒皇后見此狀曰日沒不
獲軍決卽吾國神辱也汝其日神不善拔所帶頭
槌劔直以劔招日于時日返復忽至未天恐襲此
威大韓神退新羅船覆皇后大悅謂三神曰大
神善哉沒日返天三神應曰豈是我意於神無私
諸天有度非所云何是唯吾大王勇力轉天耳新

羅王見之知是神軍不勝即素旆兮自服而素組以面縛封圖籍爲奴降於王船前因以叩頭曰從今以後長與乾坤伏而爲飼部不乾船挹春秋奉事獻馬梳馬鞭復不煩海遠每年貢寶調向天重誓之曰日非東更出西月非西滿自東返水返以逆流土石昇爲星辰不忘闕春秋之朝忍廢梳鞭之貢矣若差天地祇共討必賜亡滅武內宿禰憶慮奏曰誅新羅王封皇子中永持新羅詔曰初承神教將授金銀之國號令三軍曰勿殺自服者今既獲財國人自降服殺之不祥武內宿禰又言今不殺新羅王後必失之復更勅曰雖失財國亦征得之王者失信無道復獲道失不得者唯非他財國必不得吾國一言重過於財國乃解其縛爲飼部矣遂入其國中封重寶府庫收圖籍經見以皇后所杖矛樹於新羅王門以之爲後葉印鐵矛三尺六寸三咫各廣五寸矛柄太一尺長一丈五咫親押殖地入地長三咫故其矛今猶有樹新

羅王門爰新羅王波沙寐錦即以微吒已知波珍于岐爲質寶金銀彩色及綾羅繒絹載于八十艘船令從官軍王船是以新羅王常以八十船積諸珍調貢於是高麗王及百濟王等聞新羅收圖籍降於大日本國密令伺其軍勢則知不可勝自來于營外叩頭而歎曰從今以後永稱西蕃不絕朝貢故定內宮家是所謂三韓而皇后尊從新羅還之十二月戊戌朔癸卯至自新羅辛亥譽田尊誕生於筑石是時于天有物翾翻於虛空下百寮皆仰見皇后出見之須叟而降下白幡四流赤幡四流即時皇子誕生故字云八幡尊臂自有柄之形故名云譽田尊皇子生後幡乃返天云

明年小門三神復誨皇后奏曰欲治皇子熊軍及東夷諸國武神雷神振威主神不來鎮否宜勸請之祭於東濱以二神魂爲東將軍吾三神往爲副將軍云

皇后不怠即命東國造其祠殿武神雷神於鹿嶋濱振威主神於揖取濱三神於泛

洲濱而皆令祭之云

又曰皇太后攝政四年春三月既鹿嶋楫取泛洲

神社成云

同卷第七十一神社本記 高石國 世資神社

樞原宮天皇時鐵御魂命大神憑分野持鎮坐

角鹿國 食飯神祠

若櫻宮天皇時筒飯宮天皇 覓出現直語天

皇曰朕常戀古大王其孝心無休故上帝赦朕今

令以護日祚今見雁越國故美矣太后願立宮祠

而祭天皇大說經營鎮坐

社記曰天皇崩時年百歲云

謹考天皇日本武尊第二皇子也成務帝四十

八年立爲太子時年三十一崩時年五十二歲

記之者上古傳寫之誤歟日本武尊景行帝四

十一年薨自此年至成務帝四十八年仲哀天

皇立太子之年及六十八年從父皇薨年至仲

哀帝九年及九十年也然仲哀帝寶筭百歲書

記之說是乎 舊記云仲哀天皇太立子年七

也然則景行帝三十一辛丑年降誕乎又云

天皇立太子年七十即位年八十四崩年九

十二也因之檢者景行帝三十九己酉年降

誕乎凡人壽九十有餘歲者稱之百歲是通

例也疑日本紀舊事紀古事記等崩年五十

二書記者九十二與五十二之九五字形以

相似往々傳寫誤乎

舊事紀曰日本武尊娶兩道入姬皇女生稻依別

王次足仲彥尊次布忍入姬命次雅武王又吉備

武彥女吉備穴戶武媛爲妃生卯王與十城別王

又穗積氏忍山宿禰女弟橘媛生稚武彥王

古事記曰倭建命娶布多遲能伊理毘賣命生御

子帶中津日子命柱又娶弟橘比賣命生御子若

建王柱又娶近淡海之安國造之祖意富多牟和

氣之女布多遲比賣生御子稻依別王柱又娶吉

備臣建日子之妹大吉備建比賣生御子建見兒

王柱又娶山代之玖々麻毛理比賣生御子足鏡

別王柱一又一妻之子息長田別王凡並六柱云

延喜式平野祭祀詞曰久度古開フルキ二所能宮ノ之爾

氏供奉來流皇御神能廣前爾白給久皇御神

能乞比給之萬比任爾此所能底津石根爾宮柱

廣敷立高天能原爾千木高知氏天能御蔭日

能御蔭止定奉氏神主某官位姓名定氏進流

神財波御弓御太刀御鏡鈴衣笠御馬乎引並

氏御衣波明多照多和荒爾多開備奉氏四方

國乃進禮御調乃荷前乎取並氏御酒波爾乃

高知應能腹滿並氏山野物波甘菜辛菜青海

原乃物波毛鱒乃廣物鱒乃狹物與都毛邊都毛

至末雜物乎如橫山置高成氏獻流宇豆乃大

幣帛乎平久所聞氏天皇我御世乎カハ堅石爾常

石爾齊奉利伊賀志御世爾幸開奉氏萬世爾

御坐令在米給登稱辭竟奉久申平野宮坐山

北野天滿宮之西也第一殿謂今木社日本

武尊第二殿謂久度社足仲彦天皇第三殿
謂古關社大鷗鳥天皇第四殿謂比咩太神
矣延喜式所謂平野祭神四社是也公事根

源云今木社源氏神久度社平氏神古關社
高階氏神第四御殿比咩社大江氏神也是
四姓之爲氏

筑前國糟屋郡香椎宮或檀日廟足仲彦天皇

氣長足比咩尊鎮座左二座譽田天皇
住吉太神

豐前國宇佐郡宇佐宮第一殿二譽田天皇相

殿神足仲彦天皇第二中殿央姬太神田心姬神

湍津姬神市杵嶋姬神 第三殿太帶比咩尊

河內國志紀郡譽田八幡宮左仲哀天皇中應

神天皇右姬太神神功皇后一云舊市郡

長門國豐浦郡忌宮神社今謂長州仲哀天皇

神功皇后應神天皇

但馬國城崎郡坐于氣比村氣比太神

江州志賀郡大津驛四宮四座大比叡社小比

叡社氣比社小禪師社

山城國紀伊郡伏見驛御香宮神功皇后鎮坐

神名帳所謂御諸神社是也

同國愛宕郡矢背村江文神社保食太神也

和州廣瀨郡坐廣瀨川合若字賀賣命神社保食大神鎮座也

山城紀伊郡稻荷神社三座中央倉稻魂保食大神鎮坐也近江國筑摩神社御食津神也筑前國糟屋郡宇彌宮應神天皇神功皇后也城州久世郡石清水八幡宮譽田天皇比咩太神氣長足姬尊三座之垂跡也

攝州西成郡大坂座^{サカ}摩宮神功皇后鎮坐也

同住吉郡住吉神社四座^奥第一殿^南底筒男命^中第二社

中筒男命^口第三表筒男命^南第四氣長足媛命蓋

筑前國那珂郡住吉宮長門國豐浦郡住吉宮

各三座三筒男神之降臨也

尾張國愛智郡熱田神社大宮日本武尊中央

天照皇太神東素戔鳴尊西宮簀姬命建稻種

命是宮簀姬之父尾張氏之祖也^{宮簀姬命稱}水上明神也

保食太神從神代鎮座于此地而奉稱奇飯太

神矣御璽之神匱安座同殿同床之東位也蓋

中央天皇御神座之左側鎮坐于後位御褥也

日本紀神代卷曰天照太神在於天上曰開葦

原中國有保食神宜爾月夜見尊就候之月夜

見尊受勅而降已到于保食神許保食神乃廻

首嚮國則自口出飯又嚮海則鱈廣鱈狹亦自

口出又嚮山則毛龜毛柔亦自口出夫品物悉

備貯之百机而饗之是時月夜見尊忿然作

色曰穢矣鄙矣寧可以口吐之物敢養我乎迺

拔劔擊殺然後復命具言其事時天照太神怒

甚之曰汝是惡神不須相見乃與月夜見尊一

日一夜隔離而住是後天照太神復遣天熊人

往看之是時保食神實已死矣唯有其神之頂

化爲牛馬願上生粟眉上生蠶眼中生稗腹中

生稻陰生麥及大豆小豆天熊人悉取持去而

奉進之于時天照太神喜之曰是物者則顯見

蒼生可食而活之也乃以粟稗麥豆爲陸田種

子以稻爲水田種子又因定天邑君即以稻種

始殖于天狹田及長田其秋垂穎八握莫々然
甚快也又口裏含蠶得抽絲自此始有養蠶之
道焉保食神此云宇氣母知能加微顯見蒼生
此云宇都志狽阿烏比等久佐傳點任社亦古

保食太神御別號

倉稻魂命或書宇賀能御玉命 御膳神 御食

津太神 三狐神此訓美氣 大御饌都神 大

宜都比咩神 豐宇氣姬命 稚產靈神 稻女

神此訓多字賣乃加美又 專女神此訓多字咩

田殖女之略訓也世人誤以白狐云專女神云

三狐神津神也於稻荷社諸人崇敬之白狐者別

有故事泥三狐文字 伊香沙別太神此訓伊

也不訓伊佐 符飯太神 又書氣比生神此訓

佐是古傳也 毛於比能加美也又

書詞飯神是符飼氣共稱五穀之名食膳饌同
訓也飯比亦稱食物之謂也凡崇祭保食太神
者各以穀物之名奉 豐葦原大地主神亦稱之
尊封之社號多矣 古傳也

神代卷曰伊弉諾尊又飢時生兒號倉稻魂命又
曰軻遇突智娶埴山姬生稚產靈此神頭上生蠶
與桑臍中生五穀

舊事記曰伊弉諾伊弉冊二尊既生國竟更生諸
神云 復生大宜都比女神古事記亦同 又次
生飢時兒號稻倉魂命

伊弉諾伊弉冊二尊相生火神迦具突智與土神
埴安姬二神相生稚產靈命則頭生桑蠶臍中生
五穀矣蓋保食神歟 天照太神在於天上詔曰聞葦原

中國有保食神宜爾月夜見尊就候月夜見尊奉
勅云下文粗同 復遣天熊人令見之時此神於
頭化桑蠶於目化馬牛於胸生黍粟於腹生稻種

於臍尻生麥豆於陰下生小豆麥則天熊人悉取
持去而奉進于時天照太神喜曰云 下文亦見
自此而始有養蠶之道乃起紉織之業者也

伊弉冊尊欲生火之產靈云 次生稚產靈神此
神之子謂豐宇氣比女神

諸神嘖素戔烏尊曰汝所行甚無賴云乃共

遂降之時乞食物於大御食都姬神矣大御食都

姬神自鼻口尻取出種々味物而種々樂具而奉

進之時素戔烏尊立伺其態為穢而奉進因殺其

大御食都姬神其所殺之神於身生物於頭生蠶

於二目生稻種於二耳生粟於鼻生小豆於陰生

麥於尻生大豆故是神皇產靈尊令取茲成種

素戔烏尊兒云次稻倉魂神亦云字迦素尊

十世孫大御氣持命云

古事記曰伊邪那岐命伊邪那美命生伊豫之二

名島云粟國謂大宜都比賣云次生神名鳥

之石楠船神亦名謂天鳥船次生大宜都比賣神

云次於尿成神名彌都波能賣神次和久產巢

日神此神之子謂豐宇氣毘賣神云速須佐之

男命又食物乞大氣津比賣神爾大宜都比賣自

鼻口及尻種々味物取出而種々作具而進云

下文同舊事紀略之故是神產巢日御祖命令取茲成種

速須佐之男命娶大山津見神之女名神大市比

賣生字迦之御魂神

舊事本紀曰神皇產靈尊亦曰神兒天御食持命

紀伊直祖又曰素戔烏尊兒羽山戶神又曰天

皇鎮魂八神云御膳神保食

神皇實錄曰齋八柱靈神而式為鎮御魂云御

膳神粟國祖神大御食都姬神世名保食神是也

神語供物名由加物也亦雜器贊同為由加物也

故神語名御食津稱由賀神其此緣也

元々集曰延喜式九曰大膳職坐神三座小並御

食津神社火雷神社高倍神社本朝月令云

御食神者今大膳職祭神也私云古語拾

遺云天當命立太玉命社今謂之安房社云

令說歟

太田命傳云天照太神遷幸但波乃吉佐宮積四

年奉齋今歲止由氣之皇太神天降云于時和

久產巢日神之子豐宇氣姬命稻靈神也奉備御

酒云

御鎮座本紀云泊瀬朝倉御宇天皇廿二年戊午

秋七月七日以大佐々命奉布理豐受共從神中

臣祖大御食津命坐度相郡云

元々集曰神祇本源神道玄義篇云問以豐受皇

太神稱御氣津神其義如何答謂御氣津者水德

號也豐宇賀能賣命者豐受宮之酒殿神也御食

津神者保食神也秘府實錄曰御膳神粟國祖大

神世曰保食神是也神語供物進物名曰由加

物也亦雜器贊同爲由加物也故神語名御食

津稱由賀神大膳職坐神御食津神火雷神高

件三柱神者素戔烏尊苗裔稻倉魂名字賀能賣

命亦稱御食津神也亦大年神子與津比賣命大

戶比賣命是竈神坐也御食津與宇賀能賣命同

躰也即坐于當宮酒殿也如載右御氣津者古語

水也水者御氣津之略語也御食津者御饗津也

非水之儀云又載上代本紀曰宇賀之御魂稻

女神今号小保宇賀乃大土御祖神素戔烏尊子

原地護神也

大田命傳神記曰大年神子大國魂神子宇賀之

御魂神云同傳曰素戔烏尊子宇賀之御魂神亦專女三狐神也云云

麗氣瑞器記曰大年神子大國玉神子宇賀神元

々集曰調御倉神勢州勢太田命傳云宇賀能美多麻

神座是伊弉諾伊弉册二柱尊處生神也亦號大

宜都比賣神亦名保食神神祇官社內座御膳神

是也亦神服機殿祝祭三狐神同座神也故亦名

專女神也齋王專女此緣也亦稻靈宇賀能美多

麻神坐云云御鎮座本紀云稻靈豐宇賀能賣

命宇賀能美多麻神保食神尊形一床坐云云又

云酒殿神○大田命傳曰伊弉諾伊弉册所生和

久產巢日神兒豐宇賀能賣神亦名姮娥亦名昇

女從月天降坐善釀酒云昔坐丹波竹野郡奈具神社是也○

御鎮座本紀曰亦名姮娥白女稻靈電光所變也

五穀種所化神保食分身善釀酒云云亦以大土

祖宇賀魂神爲根倉甕里神供神酒云云○神皇

實錄曰應化神名天御中主未顯露名國常立尊

亦稱國底立尊天地開闢之始含精氣而應化之

元神故初禪梵宮居焉云以一水之德利万品

之命故名御氣都神也又曰大膳職坐神三座御

食津神火雷神高倍神件三神者素戔嗚尊苗裔

也稻倉魂名宇賀能賣命亦稱御食津神也

神祇譜傳圖記云豐受皇太神亦名倉稻魂神亦

曰御饌都神亦曰天御中主神云

延喜式大殿祭祀詞曰此乃敷坐大宮地底津磐

根乃極美下津綱根古語番繩之類謂之綱根波府蟲能禍

無久高天原波青雲乃霧久極美天乃血垂飛鳥

乃禍無久堀堅留多ハシク柱桁梁戸闢乃錯比古語曰

動鳴事無久引結幣葛目能綏比取嘗計伎加比草乃噪

伎古語云無久御床都比能佐夜女能伊須伊豆

都志伎事無九平氣安久奉護留神御名乎白久

屋船久々遲命是木屋船豐字氣姬命登也俗謂

字賀能美多麻今世產屋以辟木束御名乎奉

稱云

同大嘗祭式曰

所作八神殿一字長四丈一丈以黑木及草構葺壁葺

以草云院內方十六丈以柴爲籬編木爲扉扉

於齋院祭神八座外在大宮一座御歲神高御魂

神庭高日神大御食神大宮女神事代主

神阿須波神波比伎神其幣座別絹四尺

五色薄絕各一尺倭文一尺木綿一兩絲一絢綿

一屯布一段鉄一口稻一束米酒各四升鯁堅魚

海藻各二斤暗鹽各二升

同鎮魂祭式曰神八座外在大直神一座神魂高御

魂生魂足魂魂留魂大宮女御膳魂

辭代主太刀一口弓一張箭二隻鈴二十口佐

奈伎二十口絕一疋木綿五斤麻十斤宮一合鹿

筥一合明櫃一合供御飯筥一合御食料稻二束

案一脚字氣槽一隻臼一口杵二枝櫛四把薦一

枚韓竈一具枸四柄瓮二口塙四口裏葉薦一枚

云

舊事紀曰復仰從皇天二祖詔建樹神籬矣復所謂高皇產靈神皇產靈魂留產靈生產靈足產靈

大宮賣神事代主神御膳神今御巫齋祭矣云

其鎮魂祭日者猿女君等率百歌女舉其言本而

歌儻尤是其緣者矣

延喜式十一月月次祭諄辭曰大御巫能辭竟奉

皇神等能前爾白久神御魂高御魂生魂足魂玉

留魂大宮賣御膳都神辭代主登御名者白氏辭

竟奉者皇御孫命乃御世乎手長御世登堅磐常

磐爾齋比奉茂御世爾幸閉奉故皇陸神漏伎命

神漏彌命登皇御孫命乃宇豆乃幣帛乎稱辭竟

奉久宣祈年祭同之廣瀨大忌祭祝詞曰瀨大和國廣瀨

坐廣瀨能川合爾稱辭竟奉流皇神能御名乎白

久御膳持須若宇加能賣命登御名者白氏此皇

神御前爾辭竟奉云奉流宇豆乃幣帛者御

服明妙照妙和妙荒妙五色物楯戈御馬御酒者

懇能閉高知懇能腹滿隻氏和稻荒稻爾山爾住

物者毛能和支物毛能荒支物大野能原爾生物

者甘菜辛菜青海原住物者鱒能廣支物鱒能狹

支物奧津藻菜邊津藻菜爾至萬置足氏奉久皇

神前爾白賜部止宣云

和州廣瀨川合神社 山州紀伊郡稻荷神社

同州矢背大原江文神社是餌舍之 江州坂田

郡筑摩神社右各保食神同躰倉稻魂神也

右數條保食神同躰異名而各預大祭之紀文

也故載之是有同躰異名證因茲舉數件騰記

之且又同名異神多必不可混合也至人代亦

依其德儀其職而有稱五穀主宰之名者多見

於書籍中人臣男女共有稱天御食持御氣津

豐宇氣比女等之號者省之不舉寫

奉稱保食神訓儀字務氣多茂智神也是產

毛保持之謂也毛乃五穀也今謂作毛謂毛

見也稱倉稻魂神訓生族之身玉奇日神也

豐宇氣比女神三狐神御氣都神御膳津神

稱之者共御食津之訓儀稱專女神者田殖

女神也各五穀主宰守護之神號也或謂大

謂豐者尊崇之稱號必不可泥文字謹言

古事記建內宿禰命率其太子和品地為將觀而經

歷淡海及若狹國之時高志前之角鹿造假宮而

坐スチ余坐其地伊奢沙和氣太神之命見於夜夢云

以吾名欲易御子之御名爾言禱白之恐隨命易

奉亦其神詔明日之且應幸於濱獻易名之幣故

其且幸行濱之時毀鼻入鹿魚既依一浦於是御

子令白于神云於我給御食之魚故亦稱其御名

號御食津大神故於今謂氣比太神也亦其入鹿

魚之鼻血鼻故號其浦謂血浦今謂都奴賀也言謹

社傳云坐其地伊奢沙和氣太神之命則筭飯

保食太神也以皇太子尊崇太神靈驗而新所

稱之神號上呼唱于最初而被書記者乎於諸書

猶後來以下有故據而所改稱號上記錄已前事跡

之子名目者也是皇太子得太神所獻之氣而

崇祭太神之荒魂於別殿而稱伊奢沙和氣太

神也今坐本宮之南拜殿西伊佐々別神社是也

也一說延喜式所謂天比咩若御子神社是也

保食太神之荒魂勸請之社故比咩若御子稱

之云云元來保食神五穀主宰神靈因茲自神

代謂筭飯神筭飯亦五穀名也是復尊崇稱御

食津神也是則本宮保食太神也以吾名欲易

御子之御名者以下為御食神之故謂所以獻御

傳有訓

和名類聚鈔曰保食神日本紀云保食神和名字

乃加保猶保持也宇氣者食之義也言是保持食

物之神也

又曰稻魂日本紀云稻魂和名字介俗云乃字加

萬太

伊勢二所皇太神御鎮座傳記曰

皇孫之命乎日向高千穗穗觸之峯爾天之御翳

日之御翳止大宮柱太敷立天瑞之御殿度汝屋

船命等木靈久々遲稻靈天津奇護言乎以天

言壽白久云

御倉神三座素盞鳥尊子宇賀之御魂

豐受皇大神一座

天地開闢初於高天原成神也云水德未露志

天下飢餓于時二柱神諸册天之御量事乎以

天瑞八坂瓊之曲玉乎捧九宮所化神名號止

由氣太神支千變萬化受一水德生續命術故

名御饌都神也

御間城入彦五十瓊殖天皇卅九歲壬戌天照太

神乎遷幸但波乃與佐宮云于時和久產巢日

神子豐宇氣姬命神也奉備御神酒今世謂野

郡奈具社座豐宇亦丹波道主貴素盞鳥尊

賀能賣神是也孫栗御子

神是奉備朝大御食夕大御氣奉仕矣

山田原地主大土御祖神二座大年神子大國

之御魂神一座素盞鳥尊子土乃御祖神一座

亦衝神大田命神寶石寶形一面座是神財也

調御倉神宇賀能美多麻神座是伊弉諾伊佐

賣神亦名保食神神祇官社內坐御膳神是也

亦神服機殿祝祭三狐神同坐神也故亦名專

女神也齋王專女此緣也亦稻靈宇賀能美多

麻神座西北方敬拜祭也尊形座各一座

酒殿伊弉諾伊弉册尊所生和久產巢日神兒

興玉神訖宣久天照坐皇大神則亦名天御中主神

天照太神亦止由氣皇大神則亦名天御中主神

以水德利萬品故亦名御饌都神云

寶鏡一面者八百萬神等以石凝姥神奉鑄寶鏡

是則伊勢大神宮也一名日像八咫鏡是也八咫

古語八頭也八頭花崎八葉形也故名八咫也中

臺圖鏡形座也圓外日天八座云

笏者天之四德地五行自然德云

伊弉諾尊到築紫日向小戶橋之檉原而祓除之

時云亦洗鼻因以生神號速佐須良比賣神主

藏靈貴也素盞鳥與合力座給也

天照坐伊勢二所皇太神宮御鎮座次第記曰

以代水德未露天地夫成瑞八坂瓊之曲玉乎捧

九宮久即水德變為天地利天地起成天人民化

生須名曰天御中主故千變萬化受一水德生續

命之術故名亦曰御饌都神云

泊瀬朝倉宮御宇天皇卅一年丁巳冬十月一日

倭姬命夢教覺給久皇太神吾如天之小宮坐爾

天下仁志一不坐波御饌毛安不聞丹波國與

佐之小見比沼之魚井之原坐道主貴乃齊奉御

饌都神止由氣皇太神乎我坐國欲度誨覺給支

云 明年戊午秋七月七日以大佐々命從丹波國餘佐郡真井原志奉迎止由居皇太神度過之山田原齊奉焉御靈形鏡坐也云圓形坐奉藏黃金樋代焉

相殿三座 左一座皇御孫尊御靈形金鏡坐

右二座天兒屋命靈形笏坐牙像也球玉一雙賢

木二枝坐天石戶開之時天兒屋命捧持祝詞敬

拜鎮祭笏賢木是也太玉命靈形瑞八坂瓊之曲

玉奉藏圓筥也云

伊勢二所太神宮寶基本記曰 任水德豐受太

神乎號御氣都神是陰陽化德也

豐受皇太神御鎮座本紀曰 御間城入彥五十

瓊殖天皇卅九歲壬戌天照太神遷幸但波乃吉

佐宮今歲止由氣之皇太神結幽契天降居于時

大御食津臣命建御倉命中臣屋船命草木靈今

坐清野井宇賀之御魂稻女神今號小俣宇須乃

女神五穀靈號宇須麻留賣神今號須麻留宇

賀乃大土御祖神素盞鳥尊子也度會若雷神

今世號北門彥國見賀岐建與束命見神度相國天

日起命伊勢大神也振魂命玉串大相從以反止矣

爾時天照皇太神與止由氣皇太神合明齊德居

焉如天上之儀一處雙座焉和久產巢日神子豐

宇賀能賣命屋船稻生五穀而善釀酒奉御饗御

炊神水沼道主今世號御炊物忌其緣也

四九卅六竈神而朝大御氣夕大御氣於炊備天

奉饗留丹波道主貴也今世號大物忌子其緣也

為御杖代志品物備貯之百机而奉神嘗焉云

泊瀨朝倉宮御宇廿一年丁巳十月朔日倭姬命

夢教覺給久皇太神吾如天之小宮坐爾天下尼

一所耳坐波御饌毛安不聞丹波國與佐之小見

比沼之魚井之原坐道主子八乎止女乃奉齊御

饌都神是止由氣太神者水氣元神坐千變萬

饌都神化受一水之德主續命之術故名曰御

神與止由氣太神一所雙御坐之時陪從諸神

等奉御饗止由氣皇太神乎我坐國欲度誨覺

給支云明年戊午秋七月七日以大佐々命奉

布理留與從神中臣祖大御食津命號坐度相那御食社御

倉命建御倉命與魂命道主貴云

天兒屋根命靈形笏天津賢木執副坐太玉命靈

形瑞曲玉坐云

字賀魂大年神一座靈瑠璃御倉神能靈豐字賀

能美多麻神保食神尊形一床坐以白

龍爲守護神也几王子八柱同座給也

酒殿和久產巢日神子豐字賀能賣命坐也丹

殿天降坐亦名稻靈電光所變也以代昔從二月

保食神分神善釀清酒靈形石坐云々

素盞烏尊子冰沼道主亦名粟皇子神亦名大己

國主神古言曰大國魂名曰

倭姬命世記曰

天地開闢之初神寶日出之時御饌都神與大日

靈貴豫結幽契永治天下言壽宣肆或爲月爲日

永懸而不落或爲神爲皇常以無窮云

崇神卅九年壬 迂幸丹波乃吉佐宮云 此歲

豐字介神天降坐奉御饌云

雄略廿一年丁巳冬十月倭姬命夢教覺給久皇

大神吾一所不坐波御饌毛安不聞食丹波國與

佐之小見比沼之魚井原坐道主貴子乎止女

乃齋奉御饌都神止由居大神乎我坐國欲止誨

覺給支云

御倉神專女也保食神是也注抄曰今於伊勢

土御祖神二坐祖神形鏡坐寶瓶坐

調御倉神字賀能美多麻神三狐神

酒殿神豐字賀能賣命定坐丹波竹野郡那具

萬病除之形石坐也

右御食津之神號同名異神多勿混合見者不

可誤謹言

東殿宮

日本武尊一座

坐內之瑞籬中巽方去本宮三間計西面也

日本紀曰大足彥忍代別天皇立播磨稻目大郎

姬爲皇后々生二男其大碓皇子小碓尊一日同胞而雙生天皇異之則詰於碓故因號其二王曰大碓小碓也是小碓尊亦名日本童男鳥具奈云亦曰日本武尊幼有雄略之氣及壯容貌魁偉身長一丈力能扛鼎焉舊事記 行景二十七年冬十月丁酉朔己酉遣日本武尊令擊熊襲時年六云云十二月到於熊襲國因以伺其消息及地形之險易時熊襲有魁師者名取石鹿文亦曰川上梟師悉集親族而欲宴於是日本武尊解髮作童女姿以密伺川上梟師宴時仍劍佩袖裏入於川上梟師之宴室居女人之中川上梟師感其童女容姿則携手同席舉杯令飲而獻弄于時也更深入闌川上梟師且被酒於是日本武尊抽袖中之劍刺川上梟師之胸未及之死川上梟師叩頭曰且待之吾有所言時日本武尊留劍待之川上梟師啓之曰汝尊誰人也對曰吾是大足彥天皇之子也名日本童男也川上梟師亦啓之曰吾是國

中之強力者也以當時諸人不勝我之威力而無不從者吾多遇武力矣未有若皇子者是以賤陋口以奉尊號若聽乎曰聽之即啓曰自今以後號皇子應稱日本武皇子言訖乃通胸而殺之故至于今稱曰日本武尊是其緣也四十年夏六月東夷多叛邊境騷動云於是日本武尊雄詰之曰熊襲既平未經幾年今更東夷叛之何日逮于大平矣臣雖勞之頓平其亂則天皇持斧鉞以授日本武尊曰朕聞其東夷也識性暴強凌犯爲宗村之無長邑之勿首各食封堺並相盜略亦山有邪神郊有姦鬼遮衢塞徑多令苦人其東夷之中蝦夷是尤強焉男女交居父子無別冬則宿穴夏則住櫛衣毛飲血昆弟相疑登山如飛禽行草如走獸承恩則忘見怨必報是以箭藏頭誓刀佩衣中或聚黨類而犯邊界或伺農桑以略人民擊則隱草追則入山故往古以來未染王化今朕察汝爲人也身體長大容姿端正力能扛鼎猛

如雷電所向無前所攻必勝即知之形則我子實
 則神人是寔天啓朕不穀且國不平令經綸天業
 不絕廟乎亦是天下則汝天下也是位則汝位也
 願深謀遠慮探姦伺變示之以威懷之以德不
 煩兵甲自今臣順即巧言調暴神振武以攘
 姦鬼於是日本武尊乃受斧鉞以再拜奏之曰嘗
 西征之年賴皇靈之威提三尺劍擊熊襲國未
 經決辰賊首伏罪今亦賴神祇之靈借天皇之威
 往臨其境示以德教猶有不服即舉兵擊仍重再
 拜之云冬十月壬子朔戊午日本武尊枉道拜
 伊勢神宮仍辭于倭姬命曰今被天皇之命而
 東征將誅諸叛者故辭之於是倭姬命取草薙
 劍授日本武尊曰慎之莫怠也是月日本武尊初
 至駿河國其處賊陽從之欺曰是野也麋鹿甚多
 氣如朝霧足如茂林臨而應將日本武尊信其言
 入野中而覓獸賊有殺王之情放火燒其野王知
 被欺則以燈出火之向燒而得免葦雲自抽之薙

擬王傍草因是得免故亦進相摸欲往上總望
 號其艱曰草薙也云云
 海高言曰是小海耳可立跳渡乃至海中暴風忽
 起王船漂蕩而不可渡時有從王之妾曰弟橘媛
 穗積氏忍山宿禰之女也啓王曰今風起浪泌王
 船欲沒是必海神心也願以妾之身贖王之命而
 入海言訖乃披瀾入之暴風即止船得着岸云
 從上總轉入陸奧國時懸大鏡於王船從海路廻
 於葦浦橫渡玉浦至蝦夷境蝦夷賊首鳴津神國
 津神等屯於竹水門而欲距然遙視王船豫怖其
 威勢而心裏知之不可勝悉捨弓矢望拜之曰仰
 視君容秀於人倫若神之乎欲知姓名王對之曰
 吾是現人神之子也於是蝦夷等悉慄則褰裳披
 浪自扶王船而着岸仍面縛服罪故免其罪因以
 俘其酋帥而令從身也蝦夷既平自日高見國還
 之西南歷常陸至甲斐國居于酒折宮時舉燭而
 進食是夜以歌之問侍者曰珥比麼利菟玖波場
 須擬氏異玖用加禰菟流諸侍者不能答言時有

秉燭者續王歌之末而歌曰伽餓奈倍氏用珥波
虛々能用比珥波苦塢伽塢卽美秉燭人之聰而
敦賞云 自甲斐北轉歷武藏上野西逮于碓日
坂時日本武尊每有願弟橘媛之情故登稚日
嶺而東南望之三歎曰吾孀者耶荒靡比云 故因
號山東諸國曰吾孀國也日本武尊進入信濃是
國也山高谷幽翠嶺 万重人倚杖而難昇巖嶮
磴紆長峯數千馬頓轡而不進然日本武尊披
烟凌霧遙徑大山既逮千峯而飢之食於山中
神令苦王以化白鹿立於王前王異之以一箇蒜
彈白鹿則中眼而殺之爰王忽失道不知所出時
白豹自來有導王之狀隨豹而行之得出美濃吉
備武彥自越出而遇之先是度信濃坂者多得神
氣以摸臥但從殺白鹿之後踰是山者嚼蒜塗人
及牛馬自不中神氣也更還於尾張卽娶尾張氏
之女宮簀媛而淹留踰月於是聞近江膽吹山有
荒神卽解劍置於宮簀媛家而徒行之至膽吹山

山神化大蛇當道爰日本武尊不知主神化蛇之
謂是大蛇必荒神之使也既得殺主神其使者豈
足殺乎因跨蛇猶行時山神之興雲霧水峯霧谷
陸無復可行之路乃棲遑不知其所跋涉然凌霧
強行方僅得出猶失意如醉因居山下之泉側乃
飲其水而醒之故號其泉曰居醒泉也逮于能褒
野而痛甚之則以所俘蝦夷等獻於神宮因遣吉
備武彥奏之於天皇曰臣受命天朝遠征東夷則
被神恩賴皇威而叛者伏罪荒神自調是以卷甲
戢戈愷悌還之冀曷日曷時復命天朝然天命忽
至隙駟難停是以獨臥曠野無誰語之豈惜身亡
唯愁不面既而崩于能褒野時年三十
云卽詔群卿命百寮仍葬於伊勢國能褒野陵時
日本武尊化白鳥從陵出之指倭國而飛之群臣
等因以開其棺櫬而視之明衣空留而屍骨無之
於是遣使者追尋白鳥則停於倭琴彈原仍於其
處造陵焉白鳥更飛至河內留舊市邑亦其處作

陵故時人號是三陵曰白鳥陵然遂高翔上天徒

葬衣冠因欲錄功名即定武部也是歲天皇踐祚

四十三年度會延佳云諸陵式云能褒野墓日本武尊在伊勢國鈴鹿郡云云今鈴

鹿郡長世鄉曠野中有陵墓俗云多氣比墓是

能褒野墓而多氣比建部之說乎

古事記曰天皇行惶其御子之建荒之情而詔云

西方有熊會建二人是不伏無禮人等故取其

人等而遣當此之時其御髮結額也亦小碓命給

其姨倭比賣命之御衣御裳以劔納于御懷而幸

行故到于熊會建之家見者於其家邊軍圍三重

作室以居於是言動爲御室樂設備食物故遊

行其傍待其樂日亦臨其樂日如童女之髮梳

垂其結御髮服其姨之御衣御裳既成童女之姿

交妾人之中入坐其室內亦熊會建兄弟二人見

感其孃子坐於已中而盛樂故臨其酣時自懷出

劔取熊會之衣衿以劔自其胸刺通之時其弟建

見畏逃出入追至其室之埼本取其背皮劔自尻

許押伏於是白言云々應稱倭建御子是事白訖
 即如熟瓜振折而殺之云云略文日本紀曰古俗
 六間東髮於額十七八間分爲角子又云入坐出雲國欲殺其出
 雲建而到即結友故竊以赤檮作詐刀爲御佩
 共沐肥河亦倭建命自河先上取佩出雲建之解
 置橫刀而詔爲易刀故後出雲建自河上而佩倭
 建命之詐刀於是倭建命誦云伊奢合刀爾各拔
 其刀之時出雲建不得拔詐刀即倭建命拔其刀
 而打殺出雲建云云
 倭建命參入伊勢大御神宮拜神朝廷即白其姨
 倭比賣命者天皇既云云時倭日賣命賜草那藝
 劔亦賜御囊而詔若有急事解茲囊口故到尾
 張國云爾到相武國之時其國造詐曰於此野
 有大沼住是沼中之神甚道速振神也於是看行
 其神入坐其野爾其國造火着其野故知所欺而
 解開其姨倭比賣之所給囊口而見者火打有其
 囊於是先以其御刀刈撥草以其火打而打出火

著向火而燒退還出皆切滅其國造等云

總社宮

二座_内瑞籬_中於良方_去本宮_二
二間計南面也祭神二座

譽田別天皇 一座_左方_一

常宮皇太后御前 一座_右方_一
相殿神是也

日本記曰譽田天皇足仲彥天皇第四子也母曰

氣長足姬尊天皇以皇后討新羅之年歲次庚辰

冬十二月生於筑紫之蚊田効而聰達玄監

深遠動容止聖表有異焉皇太后攝政之三年

爲皇太子四年初天皇在孕而天神地祇授三韓既

產之完生腕上其形如柄是尙皇太后爲雄

裝之負柄尙此云故稱其名謂譽田天皇上古

號稱謂褒武多焉一云初天皇爲太子行于越

國拜祭角鹿筭飯太神時太神與太子相易

故號太神曰去來紗別神太子名譽田別尊然

則可謂太神本名譽田別神太子元名去來紗

別尊然未詳神功皇后之十三年春二月丁巳

朔甲子命武內宿禰從太子令拜角鹿筭飯太神

癸酉太子至自角鹿是日皇太后宴太子於大殿

皇太后舉觴以壽于太子因以歌曰云略之

十六年春二月王仁來之

古事記曰論語十卷千字文一卷付是人貢進又

貢上人手韓銀名阜素又吳服西素二人也舊事

大成曰應神天皇十九年十月戊戌朔癸卯住吉

太神託曰王仁頻爲異解設神代輕皇代當推取

其密書爲末葉類辭印異國人文推吾神力莫合

神文須尊是此八節之法天皇令曰以此神語慎

爲節用即召王仁問其所以王仁即曰如吾國理

解此國文著書持之以奉天王即勅告之汝國人

國吾國神國向後以汝國理而勿解吾國文于時

王仁愕然驚曰他所不知而獨書之早神知之即

見此事身震毛豎知神德驗又曰神代正直

吾國直國不以巧理故其多紀神變人常皆任有

記無寓虛工以異國巧理解這正直畫是謾神法

妙而爲人儀凡失神驗德廢吾國威 又曰韓國
人文輔入代政故有用之唯純用之推神代奇輕
神國驗依怙異國怨害吾國莫純一 致自由習

之

四十一年春二月甲午朔戊申天皇崩于明宮時
年一百一十歲 古事記曰壹佰參拾歲云云神
舊事記曰都輕嶋謂豐明宮

皇正統記曰天皇の御代に築紫の肥後の國菱
形の池と云所に現れ給ひ我は人王十六代譽
田の八幡丸也と宣ひき譽田はもとの御名八
幡は垂跡の號也後に豐後國宇佐の宮に鎮座
し給ふと云々 宇佐宮豐前也
菱形池亦同前

相殿常宮皇太后御前 神功皇 一座 坐右方
后也

神傳記于上 大寶二年後 或謂桓武皇太后祭
天皇御宇

于沓浦之後 年月未考 爲惣社相殿神勸請乎依之於

本宮奉稱氣長足姬皇后於總社宮奉稱常宮皇

太后御前口傳也 是相殿神至延喜
後奉勸請者乎

西殿宮

坐內玉垣中子坤方
去本宮三間計東面也

武內宿禰命 一座

日本紀曰屋主忍男武雄心命娶紀直遠祖菟道

彥之女顯媛生武內宿禰云 孝元天皇御子
彦太忍信命共

子武雄心命其子武內命也武內命凡奉事六

朝景行天皇成務天皇仲哀天皇神功皇后應

神天皇仁德天皇矣因幡國宇陀 景行天皇二

神社筑後國高良玉垂神社是也 十五年遣武內宿禰令察北陸及東方諸國之地

形且百姓之消息也云 成務天皇三年春正月

癸酉朔己卯以武內宿禰爲大臣也仲哀天皇九

年二月皇后及大臣武內宿禰匿天皇之喪不令

知天下竊收天皇之屍付武內宿禰以從海路遷

穴門而殯于豐浦宮甲子大臣武內宿禰自穴門

還之復奏於皇后云 征伐三韓之傳紀委見上

文明年皇后聞忍熊王起師以待之命武內宿禰

懷皇子應橫出南海泊于紀伊水門皇后南詣紀

伊國會太子於日高三月命武內宿禰和珥臣祖
武振熊卒數萬衆令擊忍熊王爰武內宿禰等從

山背出之至菟道以屯河北忍熊王出營欲戰時

武內宿禰出精兵而追之忍熊王逃無所入則沉

瀨田濟而死之全文略之神功皇后十三年

宿禰從太子令拜

譽田天皇九年夏四月遣武內宿禰於筑紫以監

察百姓時武內宿禰弟甘美內宿禰廢兄讒言于

天皇武內宿禰常有天下之情今聞在筑紫而

密謀之曰獨裂筑紫招三韓令朝於己遂將有

天下於是天皇則遣使以令殺武內宿禰時武內

宿禰歎之曰吾無貳心以忠事君今何禍矣無

罪而死耶於是有一壹伎直真根子者其爲人能似

武內宿禰之形獨惜武內宿禰無罪而空死便語

武內宿禰曰今大臣以忠事君既無黑心天下共

知願密避之參赴于朝親辨無罪而後死不晚也

且時人每云僕形似大臣故今我代大臣而死之

以明大臣之丹心則伏劍自死焉時武內宿禰獨

大悲之竊避筑紫浮海以從南海廻之泊於紀水

門僅得速朝乃辨無罪天皇則推問武內宿禰與

甘美內宿禰於是二人各堅執而爭之是非難決

天皇勅之令請神祇探湯是以武內宿禰與甘美

內宿禰共出于磯城川瀨爲探湯武內宿禰勝之

便執橫刀以毆仆甘美內宿禰遂欲殺矣天皇勅

之令釋仍賜紀伊直等之祖也真根子社在於筑前國早良郡

原也大鶴鷦天皇生日木菟入于產殿明且譽田

天皇喚大臣武內宿禰語之曰是何瑞也大鶴對

言吉祥也復當昨日臣妻產時鷦鷯入于產屋是

亦異焉爰天皇曰今朕之子與大臣之子同日共

產兼有瑞是天之表焉以爲取其鳥名各相易名

子爲後葉之契也則取鷦鷯名以名太子曰大鶴

鷦皇子取木菟名號大臣之子曰木菟宿禰是平

群臣之始祖也仁德天皇五十年天皇歌以問武

內宿禰曰云武內宿禰答歌曰云 筑前宗像郡那坐

鍾崎村織幡神社筑後國三井古事記曰孝元

天皇御子比古布都押之信命娶木國造之祖宇

豆比古之妹山下影日賣生子建內宿禰云

舊事紀曰景行天皇五十一年秋八月命武內宿

禰為棟梁之臣神名帳頭註曰因禰國風土記

年正月御歲三百六十餘歲而當國御下向坐

云云當州一宮字倍神社一云壽三百十餘歲

或三百四十歲

平殿宮

坐內玉垣中乾方去本宮二間計南面也

王妃命一座又名淀姬命虛空都媛命豐比咩命又

稱川上明神是神功皇后之御妹姬也又名豐玉比賣命

古事記曰若倭根日子子大毗々命娶丸邇臣之祖

日子國意都命之妹意都賣命生御日子子

坐王此王娶袁都比賣命生子山代之大筒木

眞若王此王娶同母弟伊理泥王之女母泥能阿

治佐波毗賣生子邇邇米雷王此王娶丹波之遠

津臣之女名高材比賣生子息長宿禰王此王娶

葛城之高額比賣生子息長帶比賣命次虛空津

比賣命次息長日子王云

云

神名帳頭註曰肥前國風土記曰淀姬神者八幡

宗廟之叔母則神功皇后之妹也三韓征伐之昔

得于滿兩顆以神威不血刃而令降伏異賊凶徒

於海外云此淀姬神則肥前國一宮也

右本宮並四隅之四社是謂內之五社宮也

七社之御子神

瑞籬外也去本宮十五六

間各東面也

是謂外七社

一御子劍神社一說曰往昔有神明奇瑞因茲自

日本紀曰天照太神乃素取素戔嗚尊十握劍打

折爲三段濯於天真名井豁然咀嚼而吹棄氣噴

之狹霧所生神號曰田心姬次湍津姬次市杵嶋

姬凡三神矣是日神之心化三神而一神

祭神一座所載于延喜式之神號未考或

說云金宮又謂金劍宮云云未正說

一說云秘傳曰祭素戔嗚尊則社號奉稱天金宮

也云 於自余舊記未見因茲不知

正說二 是謂第二之王子宮

社家傳記曰延曆廿三年三月廿八日釋空海詣于氣比神宮轉讀大般若經一千卷祈渡唐求法矣又曰大同二年六月五日爲賽禮空海下向此地奉納大般若經於氣比神庫云 至弘仁七年復詣當宮而請御子神金神社之靈鏡奉遷座于紀州高野山而爲鎮守社是謂氣比明神焉

日本紀曰伊弉諾尊伊弉册尊生素戔嗚尊此神有勇悍以安忍且常以哭泣爲行故令國內人民多以夭折復使青山變枯云

又曰素戔嗚尊乞取天照太神鬢鬢及腕所纏八坂瓊之五百箇御統濯於天真名井巖然咀嚼而吹棄氣噴之狹霧所生神號曰正哉吾勝々速日天忍穗耳尊

林神社

祭神一座於延喜式所載神號未考或云林山姫神鎮坐也是謂第三之王子宮

一說云秘傳曰於當社有三度垂迹之神秘抑於天神七代面足尊惶根尊及地神御代倉稻魂

保食太神矣至人皇仲哀天皇神功皇后也夫以

面足尊惶根尊造化本源之土神而山川原野海陸成備國壤成就功業尊號而天地萬物成生無此尊神之不所化也倉稻魂保食太神於大八州以初五穀出產之神德奉稱倉稻魂命又始播殖五穀百穀食初緒廣物狹物毛龜物柔物諭養蠶之術擴充耕織之道於八州而守護君民活命之靈神也足仲彥天皇氣長足姬尊日神御讓於代々受傳所知食大八州且使三韓降服而神威遠光輝西戎方歲皇帝祖神也是舉王法國家鎮守誰可不仰乎依茲天皇皇后保食神三座筒飯宮奉仰尊以面足惶根尊崇祀于別殿奉號天林宮云 未知正說

社家傳記云越中國礪波郡林神社者氣比太神宮第三之王子宮林神社同體也延喜式曰越中國礪波郡林神社和名抄曰越中國礪波郡拜師波也之

社家傳記云延曆四年依勅釋最澄參向于氣比

宮祈求法矣同七年復令下向此地而請當社第

三御子林神社之靈鏡直奉遷坐于江州比叡山

日吉社之中七社是謂氣比明神焉舊事紀曰第

六代耦生天神青樞城根尊亦云沫蕩尊妹吾

屋樞城根尊亦云惶根尊亦云蚊馬姬尊

日本記曰次有面足尊惶根尊

鏡神社

祭神一座於延喜式所載神名未勘是謂第四之王子宮

一說云秘傳曰上古神功皇后降臨此州之時被

捧種々神寶於笥飯神宮矣然神寶中寶鏡尤靈

異多也後崇祭別殿而以國常立尊所變天鏡尊

合祀則奉號天鏡宮也於自餘社記未見日本紀曰國常

立尊生天鏡尊々々生天萬尊々々生沫蕩尊々

々生伊弉諾尊云

天利劍神社

祭神一座是謂第五之王子宮

一說云秘傳曰往昔仲哀天皇臨幸角鹿國之節

奉納寶劍於笥飯神也有靈驗最奇後建祠崇祀

奉稱天利劍宮也

於自餘記錄未見

天伊佐奈姬神社

祭神一座是謂第六之王子宮

天伊佐奈彥神社

祭神一座是謂第七之王子宮

社家傳記曰伊佐奈日女神社伊佐奈日子神社

造化陰陽之二神奉祭祀矣

日本紀曰伊弉諾尊伊弉册尊立於天浮橋之上

共計曰底下豈無國賦迺以天瓊矛指下而探之

是獲滄溟其矛鋒滴瀝之潮凝成一嶋名之曰磯

馭虛嶋云

謹言此諸神祇羅列茲處奉祭祀而謂七社之御子神者未識其故實也且勸請年

一說曰續日本後紀延喜式所謂天比女若御子

神社則天伊佐奈比咩神社是也社傳舊記或伊

弉那日女神社伊弉那日子神社書記之又去來

奈姬神社去來奈彥神社書之未知正說國史延

喜式社記等以伊佐奈之文字書之於國史面氣

比太神之御子天利劍神天比女若御子神天伊

佐奈彥神書記之

二社御子神

在子七社南拜殿西去本宮
坤方二十間計並坐各北面

擬領神社 祭神一座
在西方

一說云祭武功狹日命乎未知又云擬領神是當

訓大美屋都古能神敷又云所謂延喜式玉佐々
良彥神社是敷

舊事紀曰角鹿國造志賀高穴穗朝御代吉備臣

祖若武彥命孫建功狹日命定賜國造謂玉佐

々良彥神社之說未見於自餘社記追可勘

伊佐々別太神 在東方古來漁捕輩奉敬
之又曰御食津神社北面也

保食荒魂神一座

口傳云伊佐々別之神號是訓伊佐和氣也佐々

不可訓矣且當社北面者有故也是守漁獵之社

故向北海此舊傳之旨趣也 云

又云每歲二月八日奉祭此神宮 云今尙爾古

事記云建內宿禰命率其太子為將禊而經歷淡

海及若狹國之時於高志前之角鹿造假宮而坐

爾坐其地伊奢沙和氣太神之命見於夜夢 云

故稱其御名號御食津太神故於今謂氣比大神
也 云 全文見上

日本記曰譽田天皇為太子行于越國拜祭筭飯

太神時太神與太子名相易故號太神曰去來紗

別神太子名譽田別尊然則可謂太神本名譽田

別神太子元名去來紗別尊然無所見也未詳是

名相易者大神以獻御膳之魚於太子也故太子

崇祀筭飯荒魂神所稱去來紗別大神者也

古事記故稱其御名號
御食津大神有之也

是應神天皇武內大臣新所勸請之社也

承和七年八月乙酉奉授越前國從二位勳一等

氣比大神之御子無位天利劍神天比女若御子

神天伊佐奈彥神並從五位下

齊衡三年九月丁巳越前國玉佐々良彥神預官

社同戊辰授越前國玉佐々良彥神從五位下 謹

謂天比女若御子神社者一說曰伊佐々別太
神也一說曰天伊佐奈比羊神社也是亦難辨
是孰一

右九社坐大玉垣中蓋內玉垣之外也俗是謂九社之宮

神明兩宮

坐七社北
方各南面

外宮祭神一座

豐受皇太神天御中主尊坐伊勢國宗廟國常明立

者天御中主尊也古傳以國常立尊為天皇之

元祖以天御中主尊為君臣之兩祖也云云

內宮祭神一座

天照皇太神心化之姬太神坐伊勢國宗廟天照

崇祀神明者日

神心化姬神也

外宮慶長十七年初造營三月奉勸請

內宮元和元年初造立九月奉勸請

日本紀曰高天原所生神名曰天御中主尊同日

日神所生三女神令降於筑紫洲因教之曰汝三

神宜降居道中奉助天孫而為天孫所祭也

兒宮坐東南之方去本
宮三十間計西面

伊弉册尊座一日本紀曰伊弉諾尊伊弉册尊共議曰吾已生大

八洲國及山川草木何不生天下之主者敷於是

共生日神號大日靈貴云謹案兒宮御社古

所祭之歟然中世爭亂砌令神宮寺破滅後至

大守朝倉氏兒宮造立時令社地移之祭祀焉

復至天文年中朝倉彈正日下孝景被修造後

元龜兵火以來退轉之處至元和太守中納言

秀康卿室命息一伯忠直朝臣令再興造營伊

弉册尊靈像所奉安置于內陣者也古老相傳

云代々國司為鎮守社尊敬云々

政所神角鹿神社是也坐東方地去本宮五十間

門口是表通也故云加途加美正安年中遊行

二代上人詣當社歎西門道路難蓋而集衆人

共運輪土砂填沼池造道之後使得往來自由

依之慶長以來以西門口為表通至正保二年

於繩手馬場前建大鳥居仍今東門口云裏通

角鹿神社座一日本紀曰崇神天皇六十五年秋七月任那國遣

蘇那曷叱知令朝貢也任那者去筑紫國二千餘

里北阻海以在雞林之西南

垂仁天皇二年任那人蘇那曷叱知請之欲歸于

國蓋先皇之世來朝來還敷故敦賞蘇那曷叱知

仍養赤絹一百疋賜任那王。然新羅人遮之於

道而奪焉。其二國之怨始起於是時也。一曰天

皇之世額有角人也。乘一船泊于越國。飯浦加

羅國王之子名都奴曰阿羅斯等亦曰于斯岐

到于穴門時其國有人名伊都々比古謂臣曰

吾則是國王也。除吾復無二王。故勿往他處。然

臣究見其爲人必知非王也。卽更還之不知道

路。留連嶋浦。自北海廻之經出雲國。至於此間

也是時遇天皇召便留之。活日天皇遣耶對

杏甚望也。天皇詔阿羅斯等曰。汝不迷道。必速

詣之。遇先皇而仕。歛是以改汝本國名。追履御

間城。天皇御名便爲汝國名。仍以赤織絹給阿

羅斯等。返于本土。故號其國謂彌摩那國。其是

之緣也。於是阿羅斯等以給赤絹藏于己國。郡

府新羅人聞之起兵至之。皆奪其赤絹。是二國

相怨之始也。一云初都怒我阿羅斯等有國之

時。黃牛負田器將往田舍。黃牛忽失則尋迹覓

之跡。留一郡家中。時有一老夫曰。汝所求牛者

入於此郡家中。然郡公等曰。由牛所負物而推

之必設殺食。若其主覓至則以物償耳。卽殺食

主因以將來置之寢中。其神石化美麗童女。於

是阿羅斯等大歡之。欲合然阿羅斯等去他處

之間童女忽失也。阿羅斯等大驚之。問曰。婦

童女何處去矣。對曰。向東方則尋追求逐遠。浮

海以入日本國所求童女者。詣于難波爲比賣

語會社神且至豐國國前郡復爲比賣語會社

神並二處見祭焉

社傳記曰。崇神天皇御宇任那國王。子到此津浦

人問其來之旨。趣王。子答曰。我名都奴我阿羅斯

等任那國王。子也。吾聞有于東方聖皇之國。因參

來也。今當獻調貢於天皇。仍浦人言。上于朝廷。使

奉進時。令厚勞而勅。都能賀爲此國政所故留此

津矣。依寄飯浦謂都奴我之國也。其都能賀之從

者。船人等常戴冠獸頭而爲謠舞遊焉。老若寄集

視樂而問其態。從者答曰。是吾都奴我王。本邦樂

態也。今到聖皇國而得快樂也。依之船人共相交

爲戲遊而已。是則獅子舞之起也。後崇建角鹿神

之祠。今之政所神社是也。今之角鹿姓嶋氏者。此

阿羅斯等之後也。云

新撰姓氏錄曰左京大市首同清水首右京碎田首同三間名公出自任那國主都奴賀阿羅斯止也

又曰三間名公彌麻奈國主牟留知王之後也初御間城入彥五十瓊殖天皇崇神御世額有角人

乘船泊于越國筭飯浦遣人問何國人也對曰意富加羅國王子名都努我阿羅斯等阿利叱智于

岐傳聞日本國有聖歸化到于穴門有人名伊都々比古謂臣曰吾是國王也除吾復無二王勿往

他處臣察其為人知非王也即更還不知道路留連島浦以廻經出雲國至此國也是時會天皇召

使留仕活目入彥五十狹弟天皇仁垂詔曰汝速去者得仕先皇是以改汝本國名遂負御間城皇

號曰彌麻奈因給絹即還本鄉是改國號之緣也

蓋三間名公同名有別種也

土公瑞籬去本宮在五十間餘于良位崇之拜唱土公大地主神

古老傳曰從上古築瑞籬殖松稱土公神地尊崇之而大願祈禱等於此地令執行焉上代古松等

寬永年中大風吹倒依之殖置今小松也秘傳謂是神代之舊跡便保食神降臨之地也故曰土公

此訓智能加美矣凡於近邊不可為不淨云無神殿以玉垣圍之古來於境內之莊處也元龜

爭亂後令穿取土砂平均近邊而為往來道路今僅在壘之松瑞籬惜哉可恐可悼傳教弘法二大

師亦於此處築祭壇令祈禱蓋後世祠官等以土公神之舊地是二大師祈禱之舊跡歟不可疑可

慎可恐神代降臨神地也
延喜式第三曰鎮土公祭

絹一丈五色薄絕各四尺倭文四尺木綿一斤麻一斤鈿二口布一端庸布二段米五升酒五升鯪

堅魚各三斤海藻三斤腊二斤鹽二升釜一口坏四口匏一柄擗十把食薦一枚是土公祭式也故載之

勅使奉幣神階神封戶

持統天皇六年九月癸巳朔戊午詔曰獲白蟻於角鹿郡浦上之濱故增封筭飯神二十戶通前寶龜元年八月庚寅朔辛卯遣神祇員外少史正七位上中臣葛野連飯麻呂奉幣帛於越前國氣比神能登國氣多神

光仁天皇同二年冬十月戊辰詔充越前國從四位下勳六等叙神食封廿戶田二町

同七年九月庚午始置越前國氣比神宮司准從八位官

桓武天皇延曆四年閏二月丁酉制越前國氣比神豐前國八幡大菩薩宮司等遷替之日準國司與解由

仁明天皇承和二年二月丙子朔戊戌坐越前國正三位勳一等氣比太神祝禰宜准鹿嶋能登兩太神祝禰宜令以把笏

同六年二月癸丑朔戊寅播磨國印南郡佐突驛

家依舊建立越前國氣比太神宮雜務停預國司

隸神祇官八月庚戌朔己巳遣神祇少副從五位下大中臣磯守正七位上中臣稔守奉幣帛於攝津國住吉越前國氣比神並祈船舶歸著十二月己酉朔丁巳奉授越前國正三位勳一等氣比太神從二位同七年八月甲辰朔乙酉奉授越前國從二位勳一等氣比太神之御子無位天利劍神天比女若御子神天伊佐奈彥神並從五位下仁明天皇嘉祥三年冬十月乙巳朔辛亥授越前國氣比神正二位

文德天皇仁壽二年八月乙未朔癸丑遣使者向越前國氣比神宮奉幣

文德帝齊衡二年五月辛亥朔壬子詔越前國氣比太神御子神宮寺置常住僧聽度五人心願住者亦五人凡一十僧永々不絕

文德天皇天安二年夏四月壬辰朔戊戌充越前國氣比神宮寺稻一萬束爲造佛像之料

清和天皇貞觀元年巳卯春正月廿七日甲申奉

授越前國正二位勳一等氣比神從一位二月十

一日丁酉大般若經一部安置氣比神宮寺同十

五日辛丑詔越前國司寫大般若經一詔安置氣

比神宮寺六月十四日丁卯神祇大祐正六位上

大中臣朝臣豐雄爲氣比氣多兩社使

同二年正月廿七日戊刀詔越前國氣比神宮寺

置十僧爲定額隨闕補之

陽成天皇元慶二年戊戌二月廿七日癸巳先是

越前國言氣比太神宮祝部等申曰神宮忽見火

災驚走入宮實無失火陰陽寮占曰爲穢神社因

現崇恠彼國須慎疫厲風水之災是日下知國宰

洒掃神宮轉讀佛經

同八年甲辰九月九日丙刀大政大臣處分越前

國氣比神宮封租穀勘納神庫宛祭祀費國宰官

司相知出納又停國司宛神封戶百姓他役焉

宇多天皇寬平五年十二月廿九日大政官符

應停止分神封鄉寄神宮寺事

右得神祇官解備坐越前國正一位勳一等氣比

太神宮司中臣一本云清貞解備檢舊例太政官

去齊衡三年四月七日下國符備寺別當與神宮

司共可勘知封物出納者自爾以降相共勘知先

納神宮後分寺家是宮司之處分非國宰所行而

國去九月二日送神宮寺移云依別當僧平鎮牒

狀分足羽郡野田村封鄉爲神宮寺料者官錄無

例之狀副郡司禰宜祝等申文再三移送而會無

封移又未改行因茲平鎮等入接封鄉徵妨調物

供神之物先爲僧侶之食役社之輩還禰寺家之

人國宰所行宮司難制望請官裁被停分鄉但官

司依例總納封物供神之後隨色頒行者中納言

兼右近衛大將從三位行春宮大夫藤原朝臣時

平宜奉勅依請

右被奉授正一位之年月未考

延喜式每年祈年祭料添十四兩綿十四兩

同名神祭料繩三丈五尺綿七屯綵七約五色薄
繩各七尺木綿七兩麻三十五兩裊料薦一百四
十枚若有大禱者座別加繩五丈五尺以布一端
代綵一約

凡氣比神宮司考隸神祇官

凡越前國松原客館令氣比神宮司檢校

陽成天皇元慶八年九月八日太政官符

應_レ收_レ納_レ神庫_レ宛_レ用_レ祭料_レ氣比_レ神宮_レ封_レ租_レ穀_レ事
右得_レ神祇官_レ解_レ彼_レ神宮司_レ大中_レ臣_レ安_レ根_レ解_レ偶_レ檢_レ案
內太政官太延曆十二年二月二十七日下_レ越前
國府_レ傳_レ宮司_レ大中_レ臣_レ魚_レ取_レ解_レ傳_レ封_レ租_レ穀_レ須_レ勘_レ納_レ神
庫_レ宛_レ用_レ祭料_レ而_レ國_レ更_レ徵_レ納_レ官_レ庫_レ宛_レ他_レ色_レ臨_レ彼_レ祭_レ時
不_レ肯_レ下_レ行_レ度_レ々_レ祭_レ事_レ由_レ其_レ闕_レ怠_レ望_レ請_レ勘_レ納_レ神_レ庫_レ宛_レ
用_レ祭料_レ謹_レ請_レ官_レ裁_レ者_レ右_レ大_レ臣_レ宣_レ依_レ請_レ國_レ依_レ符_レ旨_レ
行_レ來_レ既_レ尙_レ矣_レ而_レ弘_レ仁_レ元_レ年_レ介_レ橋_レ朝_レ臣_レ永_レ繼_レ與_レ官_レ司_レ
有_レ意_レ相_レ爭_レ專_レ任_レ國_レ行_レ自_レ余_レ以_レ後_レ積_レ習_レ爲_レ例_レ宛_レ用_レ遠
郡_レ運_レ送_レ之_レ間_レ殆_レ祭_レ期_レ神_レ事_レ疎_レ略_レ大_レ概_レ在_レ過_レ茲_レ貢_レ神

之物豈可如此望請徵納神庫以省申請之煩者
官檢案內件租穀專盡神用不宛他色然則納於
官庫還無益納於神庫尤有便宜望請重仰國
宰據准舊例徵納神庫以宛祭料謹請官裁者右
大臣宣依請但至于出納件物國司宮司相共行
之

右條々見于國史格式等猶諸社神階并宮司累
世舊例等謄記于別卷北陸道標出部